

BIKPELA MANI KAM LONG B.C.L.

Gavman i ting bai em inap kisim \$200 milien i go inap \$500 milien insait long 10-pela yia i kam long Bougainville Kopa (BCL).

Namba Wan Minista, Michael Somare, i tok olsem

Mista Somare i tok bai long dispela yia Gavman i ken kisim \$55 milien moa long BCL. Inap nau prais bilong ol kopa i antap moa insait long ol wol maket na ol profit bilong BCL long 6-pela mun tasol i go antap moa long \$100 milien.

Las yia ol profit bilong wanpela yia olgeta i go inap \$158 milien.

Mista Somare i tok bai ol dispela mani i kamap insait long wanpela nupela kontrak o agrimen Gavman i bin wokim wantaim ol hetman bilong BCL. Bai ol mani i kamap olsem:

1. BCL i mas stat long

peim ol takis i kirap long 1 Janueri, 1974. Olpela kontrak Australia i bin wokim wantaim BCL i tok bai kampani i no mas peim takis inap long yia 1977 o 1978.

2. BCL i mas peimbikpela takis moa, olsem 70%, long ol profit i lusim i go antap long \$87.2 milien.

Insait long dispela nupela kontrak, BCL i mas putim planti mani liklik i go long stretim ol kain bagarap i kamap long ol graun na ol wara. Na Kampani i mas bihainim olgeta lo Gavman i wokim bilong lukautim ol wari olsem, Mista Somare i tok.

long taim em i laik stretim ol tok kros bilong bikpela lain pipel long Port Moresby ol i tok Gavman i bin salim nating Papua Nu Gini long ol foren kantri na long ol ekspetriet.

Wari Long Provisinel Sitisensip Lo

Husat man bilong narapela kantri i bin stap long Papua Nu Gini moa long 8-pela yia wantaim bipo long de ol sitisensip lo i kirap, dispela man i ken kisim PROVISINEL SITISENSIP. Na bihain long 8-pela yia moa, em i ken kamap olsem sitisen tru.

Haus ov Asembli i bin tok orait long dispela lo tasol planti ol lokal pipel i no laikim dispela.

Ol PROVISINEL SITISEN i gat wankain mak olsem ol sitisen tru sapos i no gat wanpela narapela lo i mekim narakain tok. Wanpela lain pipel i laik bihainim Mista Simon Kaumi long senisim lo gen.

Opim Madang - Usino Haiwe

Long de namba wan bilong mun Oktoba, Minista bilong ol Neseral Riosis, Bruce Jephcott, i bin opim namba wan hap bilong nupela haiwe i lusim Madang na i laik go long Hailans Haiwe.

Haiwe i pinis nau inap 77 kilomitas i go inap ples Usino.

Tripela Minista i sanap wantaim Mista Jephcott, em hia: Sir Paul Lapun (Minista bilong Maining na Enesi), Iambakey Okuk (Minista bilong Transpot na Sivil Eviesen), na John Poe (Minista bilong Interia).

Bihain ol i bin opim dispela hap bilong haiwe, ol pipel i bin wokim wanpela singsing na kaikai long haus bilong Usino Lokal Gavman Kaunsil.

Madang Distrik Komisina i tok Gavman i bin spendim moa long \$1 milien long dispela hap bilong haiwe. Nau Eria Atoriti bai i askim Gavman i givim mani bilong stretim gut hap rot i lusim Usino i go inap Dumpu.

Sir Paul Lapun i bin sanap olsem pesman bilong Mista Michael Somare, em i bin tok ol kain haiwe i namba wan samting bilong helpim ol lain pipel i bung wantaim.

Mista Jephcott i tok bai dispela haiwe i helpim tru ol pipel insait long hap bilong Ramu long ol developmen bilong timba na agrikalsa porjek.

Nau ol i ken tingting strong bai ol wok maining bilong painim nikel long Faita na kopa long Yandra, klostu long Bundi, i ken go het o nogat.

● Poto: Hia yu lukim wanpela sain o mak i soim rot i go long Lae, Madang na long Usino.



PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

TOK STUPIT EM NOGUT

Dia Edita.- Mi laik autim wari bilong mi i go long ol skulgel na skulboi.

Mi harim sampela skul pikinini i save tok stupit long ol man na meri i no save go skul bipo.

Dispela pasin em i no gutpela long yumi olgeta skul pikinini.

Yumi mas sori long ol man i no skul bipo na i no mas tok stupit long ol.

Ol tarangu ol man na meri i wok hat na nau yumi i laik kamap gutpela pikinini bilong ol na bihain bai yumi mas wok long helpim ol tu.

Willbert Komyai,
C.M. Tau/Is Sepik.

GLASMAN EM GUTPELA TRU

Dia Edita.- Yupela ting glasman i nogut o i gutpela?

Mi ting glasman em i gutpela tru. Em i ken lukim na kamautim samting long insait na ausait.


Sapos ol tewel i sutim yu glasman i ken tru long helpim long rausim samting nogut.

Sapos yu gat sik long dispela kain we bilong tewel o tumbuna ol nes na dokta i ken traime long glasim na glasman i ken traime tu. Em i ken winim dispela sik sapos dokta i no painim sik. Orait em glasman i ken winim, long wanem em i sik bilong ples.

Gutpela glasman em i

namba tu dokta bilong helpim sik bilong tumbuna o ples.

Donald Yakanduo,
Aitape/W.S.D.



MASKI LONG TOK BILAS

Dia Edita.- Nau mi amamas tru long ritim pas bilong Andrew Yakau na nau mi gat laik long bekim pas bilong em.

Yes, nau mi laik bekim pas bilong yu olsem, yu tok, ol meri i gat save i mas maritim man i gat save. Man, em i laik bilong meri yet, em i laik maritim man i gat save o i no gat save em i laik bilong em na laik bilong man.

Yu tok bilas tasol na mi ting em i no stret long yu mekim olsem.

Mobeta yu no ken wari long dispela samting, yu mas bel isi tasol.

Yu yet yu kolim meri bilong yu longlong, long wanem yu yet yu no laik lainim em na yu no laik stap belgut wantaim em.

Mi wanpela man mi bel nogut na hat long yu na olsem mi bekim pas bilong yu.

D.S. Kukuben,
Panguna/Bougainville.

RAITIM NEM LONG SKIN

Dia Edita.- Nau mi laik bekim pas bilong wantok ya, Peter Yuas Haihuie.


O yes wantok yu tok ol meri i save raitim nem bilong ol man. Em i rabis pasin tu, tasol nogut em i raitim nem bilong brata bilong em. Olsem na yu lukim.

Em i gutpela sapos meri wanples bilong yu sapos yu lukim em i raitim nem bilong prenboi bilong em.

Tasol yu no ken raun nating long maket na stua na yu lukim ol meri bilong ol arapela ples na toktok planti.

Sapos yu wari orait, yu rait tasol i kam na bai lapun bilong tau i ken ritim.

Karl Lausep,
E.S.D.



LAIKIM PEN PREN

Dia Edita.- Mipela i laikim ol pen pren bilong ol arapela kantri o long dispela kantri bilong yumi long Papua Nu Gini.

Em ya i nem bilong mipela na adres bilong mipela.

Mis, Jacinta Lambu,
Mis, Clare Mayab, mitupela i gat 14 yia. Na Mis, Margaret Yudi, na

Mis, Elly Saring, Mitupela i gat 11-pela yia.

Mipela olgeta bilong St. Therese Convent,
C.M. Mugil,
P.O. Alexishafen,
Madang District.
New Guinea.

YU JELESMAN YU GIAMAN

Dia Edita.- Mi laik bekim pas bilong Andrew Yakau bilong Aitape long Wes Sepik Distrik.

Long Wantok Niuspepa namba 99, em i autim wari bilong em olsem, ol meri i no gat save i no ken maritim ol man i gat save.

Em i tok tu olsem ol meri i no save go long skul tasol i save wari long ol man i gat save.


Pren na wantok yu tingting tu na taim yu stat long raitim ol wari bilong yu i go long Wantok Niuspepa?

Andrew Yakau, yu tok yu maritim wanpela meri na em i no gat save na yu kolim em longlong meri.

Sapos em i longlong meri na bilong wanem yu laikim em long taim yutupela i stat long mekim promis? Yu i no laik tokim meri, olsem yu go na painim man i no gat save, na yu ken maritim em. Em i no gut long yu kisim em pinis na bihain yu kolim em meri i no gat save na longlong tru.

Sapos meri i no go long skul na em i no save long tok inglis, yu ken tok ples o tok pinis long em. Long wanem em i wantok meri.

Wanem samting meri bilong yu i mekim na em i longlong em i samting bilong yutupela. Mobeta yutupela i stretim isi na i no autim dispela



wari bilong yutupela i go long olgeta pipel i harim. Nogut bai yutupela i bagarapim nem bilong ol meri.

Yu save harim dispela toktok ol i save tok, LAIK BILONG WAN WAN. Em yu save harim tu o no-gat?

Pren mi tu mi kisim meri i no save go long skul. Tasol em i gat tisa bilong em yet long oipo inap taim mi kisim em. Husat em i tisa bilong em? Em papa na mana bilong em.

Olsem wanem meri bilong yu ating em i raun raun tasol long rot na yu kisim em, olsem na em i no save long mekim ol wok.

Sapos em i sindaun yut wantaim papa na mana bai em i kisim skul bilong marit. Na tu em i luk olsem, sapos yu marit nating yu i no inap long raitim dispela kain wari i go long Wantok Niuspepa. Em yu jiaman na yu tok yu maritman.

Andrew Yakau ating yu jeles tasol na yu kirap raitim dispela pas.

Danny K. Baria,
Wewak.

RIPOT KAM LONG SKUL

Dia Edita.- Nau mi aik salim nius i kam ong Wantok Nius.

Skul bilong mipela i tap klostu tru long rin Riva Stesin.

Mipela i gat 5-pela isa, na insait long ispela skul mipela i at 144 sumatin olgeta.

Wanpela tisa i kam long Madang Distrik, na tupela i kam long Grin Riva long Wes Sepik Distrik, na tupela i kam long Aitape long Wes Sepik Distrik, na tupela i kam long Is Sepik Distrik.

Het tisa bilong mipela em Mista Christian Tari, na em i kam long Sepik Riva long Is Sepik Distrik.

I gat wanpela haus kapa, na 4-pela ol i bin wokim long ol samting bilong bus.

I gat planti bikpela gaden bainapol. Sampela bainapol mipela i save kaikai na planti mipela i save salim long stesin bilong kisim mani bilong helpim skul bilong mipela.

Yalon N. Frangia,
Grin Riva/W.S.D.

Wantok pas edia i amamas tru long yu Yalon N. Frangia long salim nius long skul bilong yu i kam.

Sapos yu gat moa nius long skul bilong yu, yu

ken rait long Wantok Niuspepa.

Mipela bai i amamas long kisim niusleta bilong ol skul.

A. Singer.

PIPEL, PATER MAS OPIM AI

Dia Edita.- Mi laikim skruim toktok bilong poroman ya, Nasius Kudipa bilong Erave, long Saten Hailans Distrik.

Dispela ol toktok bilong em i kamap long Wantok namba 99 long mun Septemba namba 4 de bilong dispela yia.

O yes poroman, wanem samting yu bin toktok long em i tru tasol.

Ol pipel na pater bilong katolik sios ol i save baim ol katekis bilong ol long tenpela dola tasol na i no inap tru long ol.

Yupela i tingting wanem sapos katekis i laik baim kaunsil takis bai i olsem wanem? Na sapos em i salim piki-nini bilong em i go tru long haiskul, na baim ol dres samting long ol pikinini na meri na kaikai bilong famili. Na em i ken baim ol dispela samting long dispela tenpela dola tasol?

Na tu yupela ol pipel pater, yupela yet inap long baim ol tisa long tenpela dola tasol?

Joe Bey,
Wewak/E.S.D.

TU MINIT TINGTING

Ol man i stap rabis long spirit bilong ol, ol i ken amamas. Kingdom bilong heven i bilong ol.
Matyu 5:3

God i bin tokim tupela tumbuna, Adam na Eva, bai tupela i mas bosim gut olgeta samting i stap long braun. Dispela tok bilong God i wan-kain olsem: yupela i mas hatwok bai yupela i stap antap long ol arapela samting. Nogut bai ol samting i stap bos bilong yupela.


Samting i save bosim yumi sapos em oltaim pulim yumi long ol wari nogut, sapos yumi oltaim mangalim em, sapos yumi tingting long stilim o kisim nating o lukautim oltaim wanpela rot i moa isi long kisim em.

Tru tumas, God, em Papa bilong yumi olgeta, i bin mekim olgeta samting na em yet i tok olgeta samting i gutpela samting tru. God i bin givim ol dispela samting long han bilong yumi bilong painim rot i bringim yumi bek long em.

Sori tumas, Setan i bin paulim nogut dispela plen bilong God na Setan i wok long paulim ol tingting bilong yumi bai yumi tu i ken paulim dispela plen bilong God. Tingting long ol stilpasin, mangalpasin, ol paitpasin bilong painim husat man i papa bilong hap graun na ol kain kain samting.

Sapos yumi holim tok bilong God, ating yumi no ken pasim tingting long ol samting bilong graun tasol. Ol dispela samting i bilong helpim yumi long painim samting i mobeta. Husat man i gat planti samting, em i ken bihainim dispela tok bilong Jisas sapos em i yusim ol samting bilong helpim ol rabisman. Na husat man i sot long ol samting - mani, kaikai, klos - em tu inap paulim dispela tok sapos em i mangalim nating ol dispela samting na i les long wok, i tingting em i mas kisim nating, i gat kros long ol papa bilong samting, i laik stilim o bagarapim ol samting bilong narapela.

Ki i opim dua bilong gutpela sindaun em hia: Givim tenkyu long God long ol presen bilong em na yusim ol samting olsem Jisas i skulim yumi.



stori bilong tumbuna

MAN I GAT HET TASOL

Long taim bipo tru i na em i kirap tok, yu gat wanpela raunwara na mas lusim bol bilong mi long dispela raunwara man i gat het i stap.

Klostu long raunwara i gat viles i stap. Long apinun ol pipel i tok, long moningtaim bai ol i go painim abus long dispela raunwara.

Taim moning i kam ol pipel i go na ol i painim planti pis moa.

Long apinun wanpela man tasol i kam na i lukautim abus i stap.

Nau man i gat het tasol i hangre tu na em tu i go long raunwara na painim abus.

Het i lukim bol bilong man ya i painim abus long raunwara, na em i ting i gutpela abus bilong em, nau em i kaikai.

Tasol man i pilim pen

na em i kirap tok, yu mas lusim bol bilong mi ya.

Het i tok, mi no ken lusim. Em i kaikai bilong mi. Man i tok yu lusim bol bilong mi bai mi givim yu banana.

Man ya i kolim olkain kaikai long het, tasol het i tok, mi no save kaikai.

Nau man i kolim kapiak, na het i tok em i kaikai tru bilong mi.

Man i tok orait yu lusim mi na mitupela i go painim kapiak. Het i tok mitupela i go kamap long kapiak, orait bai mi lusim yu.

Tupela i go kamap long kapiak, het i tok, mitupela i goap long kapiak orait, taim yu tromoi kapiak i kamdaun bai mi kamdaun na kis-



im kapiak. Man i goap long kapiak na het i hangamap long bol bilong em yet. Man i kisim wanpela kapiak na em i tromoi i kamdaun. Nau het i lus i go daun kisim kapiak.

Het i tok yu mas tromoim wanpela moa. Nau man ya i tromoim wanpela i go longwe moa. Nau

het i go kisim dispela kapiak, man i kamdaun kwiktai tru na ranawe i go long ples. Taim het i kam bek na lukim man ya i ranawe pinis.

Het i kisim tupela kapiak na ranawe i go long raunwara long ples bilong em.

Emil Simangu,
Brandi Haiskul/Wewak.

NAMBAWAN KAIKAI BILONG OL FAMILI



Lukautim bai tripela kaikai hia i swit na i gat strong long en i stap oltaim long haus bilong yu.

HEINZ kompani i yusim gutpela samting tasol bilong wokim ol dispela kaikai. Sapos yu laik hariap redim strongpela kaikai - na tomato sauce i gutpela tru na swit moa - lukautim mak bilong HEINZ.

Heinz

2167E

N.B.C. Mas Tok Klia

Minista bilong ol Komunikesen, Mista Kaibelt Diria, i bin tok orait bai Nesene1 Brotkasing Komisen (NBC) i no ken autim ol kain trabel bilong wanpela ples na makim em olsem samting bilong "ol hailan pipel" o "ol nambis pipel" na ol kain tok nating.

NBC i mas makim stret wanem ples, o viles, o distrik, ol kain trabel i bin kamap long en.

Mista Diria i tok em i bikpela wok tru bilong NBC bilong helpim olgeta lain pipel bilong PNG i sindaun gut wantaim.

Hetman bilong NBC nius sevis em i wanpela lokal ofisa na ol ekspetriet

ofisa i no gat tok long dispela dipatmen bilong NBC.

Lokalaisesen program insait long sampela arapela dipatmen bilong NBC i pundaun liklik bikos ol arapela dipatmen bilong Gavman i save wok long grisim ol saveman long lusim NBC.


NBC i laik wok wantaim Gavman na Haus ov Asembli, Mista Diria i tok, tasol em i samting no gut tru sapos Gavman i wok long bosim olgeta program bilong NBC.

NBC i gat bikpela bilong autim olg tingting bilong ol na bilong ol pipel.



● Kaibelt Diria

Painim Husat Man I Lus Long Solwara



● Poto: Leptenan Sevese Peter Raepa (Kerema, G.D.) em i kepten bilong wanpela patrol bot bilong PNG Difens Fos, i pinisim trening long Australia long painim husat man i lus long ol solwara.

WANTOK

JANUERI - JUN, 1974

Ol WANTOK niuspepa bilong dispela yia, stat long mun Janueri inap long mun Jun, i stap nau insait long wanpela buk.

* * *

Dispela WANTOK buk bai i kamap TUPELA TAIM long wanpela wanpela yia long mun Ogas na long mun Februeri.

* * *

Dispela WANTOK buk i nambawan samting bilong

- * helpim ol sosel stadi klas long skul
- * helpim ol adalt edukesen klas i go het
- * helpim ol i laik skul long TOK PISIN
- * putim insait long ol skul laibreri

* * *

I no gat planti WANTOK buk. Sapos yu laik kisim wanpela, hariap makim tiket i stap hia na putim mani wantaim na salim i kam.

WANTOK PUBLICATIONS, Inc.
P.O. Box 396,
Wewak. P.N.G.

Mi laik baim WANTOK buk.

Nem bilong mi:

Adres bilong mi:

.....

Prais bilong wanpela buk:

\$2.00 (+ 20¢ bilong baim stem)

\$2.00 (+ 45¢ bai em i kam long balus)

Intenesenel Yia Bilong Ol Meri

Gavman advaisa bilong wok bilong ol meri, Misis Dibura, i tok long 1975 bai i gat Intenesenel Yia bilong ol Meri.



• Misis Dibura Maro

dispela kantri.

Long Intenesenel Yia bilong ol Meri, YW CA na Papua Nu Gini Gel Gait i gat laik long strongim tingting olsem bilong ol meri.

Misis Maro, i tok gavman bilong yumi i ken amamas long namba 7 plen bilong Et Poin Plen i tok ol meri i ken wok wantaim ol man bilong mekim ol developmen insait long PNG i go het.

Gavman i laikim ol bai ol meri i mas holim namba insait long ol nesanel na intenesenel wok.

Hia long Papua Nu Gini nau i gat sampela ol meri i stap insait long ol welfe, kalsaral, ekonomik na politikal wok.

Misis Maro i tok, Misis Josephine Abaijah na tupela meri insait long Port Moresby Siti Kaunsil, Misis Elizabeth Kiki na Misis Nahau Rooney, i soim olsem ol meri inap mekim bikpela wok bilong lukautim


Mipela inap wokim

OLKAIN SAMTING LONG KANDA

SALIM MANI I KAM

WANTAIM ODA

lukim ol prais hia



Autim laik bilong yu tasol

**olkain sia
olkain tebol
olkain basket
blain pangal**

Mipela ken salim long sip o balus. Rait tasol i go long:

**CANE INDUSTRY
PES-AITAPE, W.S.D.**


Bisnis bilong ol lokal pipel stret

Leptenan I Kisim Promosen

Leptenan Karry Frank i bin kisim promosen na nau em i Leptenan Komanda na em i pes man bilong Papua Nu Gini i winim dispela mak long Nevi bilong Papua Nu Gini Difens Fos na em i komanda bilong patrol bot Ladava.

Leptenan Komanda Frank em i go insait long Nevi long 1965 na i tren long ol wok redio.

Leptenan Komanda Frank i gat 28 Krismas na em i kam long Logea Ailan insait long Milne Bay Distrik.



• Leptenan Komanda Karry Frank

Ol Misis Helpim Lokal Woka



Mista Boyamo Sali

Ol Anglikan, Luteran, Roman Katolik, na Yunaitet Sios i bin putim mani na wokim haus ol i kolim, Buablung Haus long Lae na kos bilong em i \$300,000.

Ol wokim dispela haus long helpim ol lokal man i wok insait long Lae taun.

Minista bilong Lokal Gavman, Mista Boyamo Sali, i bin opim dispela haus.

Inap olsem 96 lokal pipel i ken slip long dispela haus.

Saut Pasifik Konprens

Etpela kantri i wok insait long Saut Pasifik Komisen i bin tok orait long bung wantaim ol memba bilong Saut Pasifik Konprens.

Ol memba bilong Komisen em ol independen kantri olsem Fiji, Nauru na Westen Samoa na ol arapela kantri olsem Australia, Amerika, Frans, Nu Silan, na Ingran i lukautim sampela kantri insait long Saut Pasifik.

Na ol arapela kantri insait long Saut Pasifik bipo ol i memba bilong Konprens tasol.

Nau ol dispela kantri i stap wankain olsem ol memba bilong konprens i stap long rot bilong independens.

Saut Pasifik Konprens (SPC) i wok long helpim ol kantri i wok wantaim bai olgeta ples insait long dispela eria bai i

go het wantaim. Ol memba i bin wokim wanpela baset bilong moa long \$2 milien bilong mekim ol wok bilong ol long dispela yia.

Papua Nu Gini i bin putim klostu long \$10 tausen long dispela wok bilong SPC.

Stretim Tingting Bilong Skul

Dairekta ov Edukesen, Mista Alkan Tololo, i tok ol skul i no ken redim ol studen bilong painim ol kain kain wok insait long ol taun tasol. Nogut ol papamama na ol tisa i paulim tingting bilong ol pikinini olsem.

I no longtaim bai planti ol studen i mas painim wok insait long ol lokal komuniti bilong

ol, Mista Tololo i tok. Nau i gat planti studen i bin pinisim standet 6 ofom 2 na ol i no inap painim wok insait long ol taun.

Ol skul yet i no ken kirapim kain kain wok. Em samting bilong ol indastri tasol.

Em i mobeta, Mista Tololo i tok, sapos planti moa studen na papamama bilong ol i statim tingting bilong mekim ol lokal komuniti insait long ol viles i go het.



Nupela Beng Bai I Wet

Saut Pasifik Konprens i no pinisim ol tok long kirapim *Pasifik Risonal Dvelopmen Beng*.

Wanpela komiti bai i

painima utim rot pastaim bilong Esien Dvelopmen Beng na Pasifik Risonal Dvelopmen Beng tupela i ken wok wantaim.

Bikpela Kontrak Long Lokal Bisnisman

Tupela lokal bisnisman i bin kisim kontrak long Gavman bilong mekim bikpela wok.

Mista Hopnai Kolish bilong Is Nu Briten bai i sanapim nambawan hap bilong nupela hospital long Kavieng. Kos bilong em i go inap \$498,000.

Bai wanpela yia olgeta i lus long dispela wok na 100 wokman bai i stap long en.

Hopnai i bin kisim sampela helpim long Dipatmen ov Bisnis Dvelopmen long yia 1971 long kirapim ol wok bisnis bilong em.

Insait long wanpela yia inap mun Janueri, 1974, kampani bilong Hopnai, ol i kolim *Rabaul Building & Maintenance*, i bin pinisim ol wok i gat kos olsem \$250,000. Insait long ol dispela wok i gat Keravat Korektiv Institusen.

Mista Vincent Kinakap, bilong Is Nu Briten, i bin kisim wanpela kontrak bilong sanapim nupela Bisnis Dvelopmen Senta long Kimbe na kos bilong em bai i go inap \$65,000.



Invesmen Polisi Bilong Nu Silan

Praim Minista bilong Nu Silan, Mista W. Rowling, i bin tokim Saut Pasifik Konprens (SPC) bai Nu Silan i ken helpim ol dvelopmen projek insait long ol Pasifik kantri sapos ol kain projet i ken wok long mekim ol dispela kantri i go het tasol.

Ol kain projek i mas givim ol trening long ol lokal pipel na strongim ol kalsa na sosol wok bilong ol kantri wantaim.

Nambawan marasin bilong olgeta pen.





Nesenel Atletik Sem


1. Poto: Pastaim long pilai ol i mas raitim nem bilong ol. Bihain long wanwan resis ol manmeri i mas kam na soim tiket na makim daun wanem manmeri i winim resis.


2. Poto: Stat bilong pilai resis, ol man i tromoim stik ol i kolim jevelin. Bihain long ol man ol meri i tromoim.

3. Poto: Mista Ambros Willi i redi long tromoim raunpela ain olsem bal. Dispela bal ain i hevi moa moa yet. Olsem na em i taitim bun tru.

4. Poto: Wanpela meri i jam o kalap longwe moa. Dispela kain jam ol i kolim Longjam. Na bihain ol i metaim longpela bilong jam bilong em.

5. Poto: Wanpela Mis bilong Australia i kalap narakain tru. Em i jam o kalap long lek, tasol het bilong em i go antap pastaim na bihain lek bilong em. Em i kalapim tru stik na i kam daun long narapela sait.





iensip Long Madang

6. Poto: Kepten bilong Port Moresby tim wantaim arapela memba i kisim namba wan prais ol i kolim Dewars Kap. Tupela i amamas moa moa yet.

7. Poto: Mista Wavala Kali bilong Port Moresby i winim 3-pela kain resis olgeta. Em i winim resis bilong 100, 200, na 400, mita.




8. Poto: Mista Benedict Meta bilong Gazelle i jam o kalap antap tru. Em i holim wanpela stik na stik yet i helpim em long kalapim narapela stik i stap antap long tupela plang i sanap.


9. Poto: Mista Paul Gines (20) Mista Emanuel Abore (19) bilong Madang, na Mista Steven Mamasvus (149) Mista Paiwa Bogela (151) bilong Port Moresby. Ol 4-pela i ran resis long 100 mita.



I STRONG, I STAP LONGTAIM, I KOSTIM LIKLIK



TILUX- FAIBRO BILONG OL BANIS



Sapos yu wokim haus, orait, yu wokim long gutpela samting. Nogut em i pundaun bihain long sampela mun o yia. Kisim faibro i gat nem Hardie, na bai yu win.

Faibro Hardie i strong, i save stap longtaim, i no kostim planti. Em hia sampela pasin bilong yusim.

Dispela faibro em i bilong haus kuk o rum waswas, bilong ol ples wara i save wasim planti taim.

Em i nais tru na i gat 8-pela kala.


HARDIFLEX- FAIBRO BILONG WOKIM HAUS



Faibro hia em i strong, i bilong ol banis insait na ausait. Yu ken penim o larim i stap nating. Ren na san i no ken bagarapim.

Em i no ken sting o krungut o paia.

VERSILUX- FAIBRO BILONG BILASIM HAUS



Em i bilong bilasim insait long haus na mekim ol banis i no ken paia. Em i gat kain kain kala. Tasol yu ken penim tu long laik bilong yu. Em i strong, i nais, i bilong longtaim.

Yu Ken Baim Long Burns Philp and Bowman's

Hardie's
BUILDING PRODUCTS

P.M.V. Laisens

Husat man i laik mekim wok bilong Pablik Mota Ka (PMV) i mas kisim laisens pastaim na bihain tasol em i mas baim ka o trak.

Mista Lemeki, siaman bilong Pasensa Transpot Kontrol Bot i tok nogut man i baim trak na bihain Bot i tambuim em long kisim laisens na ol mani bilong wokim PMV bisnis bilong em i lus nating.

Senis Long Invesmen Kopresen

Minista bilong Nesanel Dvelopmen, Gavera Rea, i bin tok long tupela bikpela senis i bin kamap insait long Invesmen Kopresen Fan.

Mista Rea i tok ol pipel i laik baim ol sea i ken stat long baim 50 tasol. Inap nau lo i tok ol i mas baim 100 pastaim.

Narapela senis i olsem - ol kos bilong baim ol wok bilong Kopresen i bin go daun planti.

Tupela senis i bin kamap bilong grisim planti moa pipel long investim mani insait long dispela Fan, Mista Rea i tok.

Nau i gat 700 pipel i bin baim ol sea i wok long bosim ol bikpela kampani i stap long PNG.

Indastri Riviu

Minista bilong ol Neseral Risisis, Bruce Jephcott, i tok bai Gavman i mekim wanpela riviu o lukluk gen long ol indastri i wok long ol kindam.

Nogut PNG i lusim ol profit bilong em na bai indastri tu i paul nogut, Mista Jephcott i tok.

Ol lokal bisnisman tu i mas go insait long ol dispela indastri na i mas gat ol faktori bilong putim ol pis long tin.

NESENEL EDUKESEN BOT I KAM LUKIM TOK PISIN SKUL

Papua Nu Gini Nesenel Edukesen Bot i bin salim sampela staf bilong oli kam lukim, RINTEBE ELCONG Tisa Trening Skul insait long Isten Hailan Distrik long sampela mun i go pinis.

Dairekta bilong Edukesen, Mista Alkan Tololo, wantaim sampela ol memba bilong Nesenen Edukesen Bot i bin kam lukim dispela skul long nambawan taim tru.

Dispela em i tok pisin skul we ol studen i save lainim planti kain kain samting olsem: namba, sosel stadi, haisin, na baibel.

Insait long Papua Nu Gini i gat 6-pela distrik i save ranim tok pisin skul, em: Madang, Morobe, Isten Hailan, Simbu, Westen Hailan na Saten Hailan Distrik. Ol i gat 600 tisa na olsem 17,000 studen na tripela tisa trening koles, em long Kiti tip long Westen Hailan, Heldsbach long Morobe na Rintebe long Isten Hailan Distrik.

Luteran Misin i save ranim ol dispela skul na ol i independen long han bilong Gavman. Olgeta mani bilong helpim skul i go het i save kam long Luteran Misin long ol narapela kantri na long ol dispela 6-pela distrik we ELCONG i stap long ol.

Nau tasol ol i stat long lainim o tisim Inglis long sampela klas.

Taim ol studen i pinisim trening bilong ol, ol i save tis long ol ples i no gat praimer skul, na sampela i save i wok wantaim ol pipel long lainim tok bilong God na helpim ol long arakain wok.



• Sampela memba bilong Nesenel Edukesen Bot i sekim sampela Pisin Program.

13 PLIS OFISA KISIM PROMOSEN

Minista bilong Plis, Mista Pita Lus, i tok Plis Promosen Seleksen Bot i orait long ol promosen bilong 13 Plis Ofisa.

Mista Lus i tok tupela Inspekta Klas 2 i kamap Inspekta Klas 1. Em Rex Arek, Komanding Ofisa bilong Sentral Plis Distrik na Lawrence Sausau, Ofisa bilong Kriminal Investigesen Brens (C.I.B.) long Port Moresby.

Ol arapela promosen em hia; Inspekta (3 Klas), James Napkai, Amos Kokoe, James Kopi, Alan Alfred Daniel, Charles Rasehei, Paul Ari, Francis Muggia, Henry Tokam, Lawrence Tamarua, August Vuna na John Pahau.

Bot i no makim yet ol Ofisa bilong mekim wok olsem, 2 Sinia Superintenden, 3 Superintenden, 2 Inspekta (-1 Klas) 11 Inspekta (2 Klas), na 7 Inspekta (3 Klas).

SAUT PASIFIK BENG

Taim ol i opim nupela Beng bilong Saut Pasifik, Namba Wan Minista, Michael Somare, i tok ol foren investmen i mas wok wanmak wantaim Papua Nu Gini long divelopim kantri. Papua Nu Gini i nitim helpim bilong ol foren kantri.

Long dispela kantri sampela pipel, Mista Somare i tok ol i tingting kranki long ol foren investmen.

Ol Papua Nu Gini i holim wok insait long dispela nupela beng na sampela i stap long bot bilong ol dairekta na mekim wankain wok.



• Dairekta bilong Edukesen, Mista Alkan Tololo, i toktok wantaim ol studen bilong Rintebe.

<p>OLABOI, MAMA, HET BILONG MI I PEN MOA MOA YET</p>	<p>YU NO MAS WARI... KISIM ASPRO PASTAIM, BAI PEN I RAUS OLGETA..</p>	<p>TRU TUMAS.. PEN I GO PINIS.. MAMA YU SMAT TUMAS..</p> <p>EM I NO SAMTING BILONG MI.. EM I ASPRO TASOL..</p> <p>NAMBAWAN MARASIN BILONG OLGETA PEN.</p>
--	---	---

Beng I Ripot Long P.N.G. Ekonomi

Wanpela ripot bilong Beng ov Papua Nu Gini i tok ol wok bilong ekonomi o bisnis insait long tripela mun inap mun Jun i bin wok moa strong.

Dispela ripot i tok as bilong dispela gutpela bisnis developmen i olsem: ol inkam insait long ol taun na ol rural ples i bin go antap moa moa yet. Ol gutpela prais bilong ol rural ekspot, kopa na gol i sutim ol inkam antap tru.

Tru tumas, ol inkam i bin kamap long ol wok bilong Bougainville Kopa (BCL) i bin mekim ekonomi i go het moa yet tasol ol agrikalsa prodak tu i bin winim planti mani olsem: insait long tripela mun inap Me bilong yia 1974 -

KOPI: i bin winim \$26.4 milien.

KOPRA: i bin winim \$24.4 milien.

KAKAU: i bin winim \$20.5 milien.

RABA: i bin winim \$3.3

milien.

LIP TI: i bin winim \$2.3 milien.

TIMBA: i bin winim \$18.3 milien.

Sapos yu bungim ol dispela mani i bin kamap bilong ol agrikalsa prodak tasol insait long 11-pela mun inap Jun, orait ol i winim \$95.2 milien bilong helpim ol developmen insait long Papua Nu Gini.

Ripot i tok long dispela taim ol pipel i no baim planti nupela liklik ka olsem long yia i go pinis tasol namba bilong ol nupela bisnis ka na trak i bin go antap liklik moa.

Plantŕ moa pipel i bin baim nupela motobaik.

Long yia 1973 samting olsem \$100.8 milien i bin stap insait long ol

PNG Futbol Tim Winim Ol Aborisini



PNG futbol tim i bin winim wanpela Australian Ruls futbol gem (13.11.89) wantaim wanpela Aborisini tim (12.12.84) long Canberra, Australia.


komesial o bisnis beng. Long yia 1974 ol dispela mani i go inap \$232.3 milien.

Dispela ripot bilong beng i min olsem: ol ekonomi o bisnis insait long PNG i stap strong na i laik gro moa yet.

● Poto: Tiana Ila, Veari Maha, Api Leka, Gesmon Nongkas, ol i lukim Syd Jackson bilong Australia i kisim futbol Roge Iga i bin tromoim long em.


Syd Jackson i bin redim ol dispela gem. Em i memba bilong Carlton tim.

STRONGIM BUN BILONG PIKININI



PENTA-VITE

yu ken baim long olgeta stua marasin



● Leptenan Sally Murphy i wok nau olsem wanpela pailet bilong helikopta balus bilong Ami bilong Amerika.

Em i pes taim wanpela meri i bin kisim kain wok olsem long Ami bilong Amerika.

Ating hia long Papua Nu Gini bai i gat kain pailet olsem?

mipela wanpela bokis kapok, sampela laplap bilong pasim sua na liklik marasin ol i kolim "merkurokrom".

Ol i tok long mipela i mas hariap tru na putim gen ol sikman long bot. Ol sikman i krai nogut, ol i no laik go bek long bot. Bot i pulap long blut na planti liklik hap bilong ol bodi bilong ol misinari i stap nabaut long en.

Taim mipela i bringim ol sikman bek gen long bot, ol soldia i bringim liklik rais. Ol i tok dispela rais i bilong ol sikman tasol na long 5 klok long apinun DORISH MARU i lusim gen Wewak.

Mipela i wok hat long pasim ol sua tasol wantu ol laplap i pinis. Long bilum bilong mipela i gat sampela liklik laplap na sampela marasin, tasol ol soldia i tambuim mipela long go insait long rum ol bilum i stap long en.

Skin bilong ol i bin kisim sua i kamap hat nau. Strongpela fiva i kukim ol na ol i pilim nogut tru. Ol i slip

antap long bot tasol ol i no gat liklik het na sel bilong ol i ken hait long en na san i strongpela tru.

Bruder, Alois i gat bikpela sua long lek bilong em na em i bin lusim planti blut. Nau em i indai. Mipela planim em long solwara tasol. Na bihain liklik, Bruder, Syrus tu em i indai.

Long de 8 bilong Februeri mipela kamap long ples Hotegan long hap bilong Wes Irian. Ol pipel hia i givim wanpela haus long mipela. Dispela haus i gat rup tasol i no gat banis. Insait long en ol graun i malumalu tasol mipela putim ol sikman long en.

Ol manmeri i orait liklik ol i helpim mipela nau long senisim ol laplap i stap long ol sua. Insait long ol sua nau i gat planti binatang i stap na ol sua i sting nogut tru.

Pater Mey i gat bikpela sua long lek bilong em na Dokta Braun i tok em i mas katim na rausim em. Tasol mipela i no gat marasin bilong pinisim ol pen na mekim Pater i slip long taim ol i rausim lek bilong em.

Ami dokta i givim mipela 1 gram "novaken". Mipela katim lek long wanpela so bilong katim ol diwai olsem i no gat narakain so.

Planti ol misinari i kisim bagarap ol i no gat strong moa. Long wan wan de sampela bilong ol i indai. Ol 9-pela sista, 2-pela bruder, Mista na Misis Johnson, Mis Paula, Misis Kuehn bilong Lutheran misin, na Bisop Wolf bilong Katolik Sios, ol dispela i indai long ol sua ol i bin kisim long DORISH MARU.

SAMTING BILONG TRAIM

Insait long tupela piksa i stap daunbilo i gat 8-pela senis i hait insait long en. Ating yu inap painim? Yu glasim gut na traim. Em samting bilong yu tasol. I no gat prais i kamap long en.





≡ KING FEATURES SYNDICATE ≡

The Phantom

®

By Lee Falk and Sy Barry




Ol Kaving Tumbuna Bai Kambek



Gavman bilong Queensland i laik bekim wanem ol kaving gavman bilong PNG i laik putim insait long nupela musim bai em i wokim long Port Moresby.

Sir William McGregor, wampela Administreta bilong longtaim bipo, i bin bungim samting olsem 8 tausen kaving bilong ol tumbuna na kos bilong ol dispela kaving nau i go inap \$1½ milien.

• Poto: (Raithan) Dokta Alan Bartolomai, Dairekta bilong Queensland Musim, i g'lasim wampela kaving i stap long dispela musim. (Antap) Dokta Bartolomai na tupela asisten i redim ol dispela kaving.



Ol WANTOK niuspepa bilong dispela yia, stat long mun Januери inap long mun Jun, i stap nau insait long wampela buk.

* * *

Dispela WANTOK buk bai i kamap TUPELA TAIM long wampela wampela yia long mun Ogas na long mun Februeri.

* * *

Dispela WANTOK buk i nambawan samting bilong
 * helpim ol sosel stadi klas long skul
 * helpim ol adalt edukesen klas i go het
 * helpim ol i laik skul long TOK PISIN
 * putim insait long ol skul laibreri

* * *

I no gat planti WANTOK buk. Sapos yu laik kisim wampela, hariap makim tiket i stap hia na putim mani, wantaim na salim i kam.

WANTOK PUBLICATIONS, Inc.
 P.O. Box 396,
 Wewak. P.N.G.

Mi laik baim WANTOK buk.

Nem bilong mi:

Adres bilong mi:

.....

Prais bilong wampela buk:
 \$2.00 (+ 20¢ bilong baim stem)
 \$2.00 (+ 45¢ bai em i kam long balus)

TINGTING BEK - stori namba tri

Long de namba 3 bilong mun Desemba, 1942, ami bilong Japan i kam long Alexishafen. Wantu ol i askim husat man i bos bilong misin. Bisop Wolf i sanap.

Yu kepten bilong ol misin? Namba wan ofisa i askim.

Nogat. Mi no kepten, bisop i bekim. Mi bisop tasol bilong Katolik Sios.

Tasol man i tanim tok i askim gen: Yu kepten?

Bisop i lap na i tok: Sapos yu ting mi kepten, orait mi kepten bilong misin.

Nau dispela soldia i kisim gan o masket bilong em na i tokim bisop: Sapos yu lap gen bai mi sutim yu

Ol wok misin i no ken go het moa. Ol soldia i bringim ol misinari bilong ol autstesin i kam long Alexishafen. Na ol soldia i tok: Sapos wangepela bilong yupela i ranawe, bai mipela i sutim Bisop na Pater Hoersch hia.

Bihain tu ol soldia i bringim ol Luteran misinari i kam long Alexishafen.

Long Oktoba 1943 ol Japan i bringim ol misinari i go long Manam Ailan. Planti bilong ol i kisim sik, tasol olgeta i hatwok long planim ol kain kaikai olsem ol i ting bai ol i

stap long Manam long-taim. Tasol nogat. Ol i mas go long Bogia na long de 5 bilong mun Februari, wangepela ami bot, DORISH MARU, i kisim ol i go.

Klostu long 7 klok long apinun, DORISH MARU gen i lusim Bogia na tanim i go long Kairiru Ailan klostu long Wewak.

Kepten bilong bot i bin tok: sapos ol balus i kam, bai ol pater, bruder, sista na ol arapela manmeri i mas slip antap long bot. Ol waitpela klos i mas hait. Ol tu i no ken givim sampela mak long ol balus. Husat i sakim tok, bai ol soldia i kilim em indai.

Klostu long biknait wangepela balus bilong Amerika i painim DORISH MARU. Balus i kam na tromoim 5-pela bom, tasol ol i abrusim bot.

Long hap pas seven long moningtaim bilong 6 Februari, ol balus i kam bek gen. Kepten i tokim ol pasensa ol i mas slip antap, i tambu tru long go insait.

Ol soldia i stap long bot ol i sutim gan long ol balus na ol balus i bekim pait long ol masingan bilong ol.

Long planti ol ples long bot ol paia i kamap na mipela no save bai mipela ken hait we. Taim nogut tru i kamap long mipela.


Tupela ten minit i go pinis na ol balus tu i go. Dokta Braun bilong Luteran Misin i singautim mi long helpim ol man i kisim bagarap. Bot i pulap tru long ol blut. Planti misinari i dai pinis, planti arapela i bin kisim bagarap nogut. Ol i krai long kisim helpim tasol mipela i no gat marasin bilong helpim ol.

Nau bot i tanim lik-

Bruder Gerhoch i bin kam long PNG long yia 1928. Em i bin wok olsem medikal asisten.

Taim Woa Namba 2 i kamap, em i no ranewe. Em i stap inap ol ami bilong Japan i kalabusim ol misinari.

Brata Gerhoch nau i bosim Pos Ofis long Katolik Misin, Alexishafen na em i bin raitim dispela stori long yia 1944.



● Bruder Gerhoch

lik na i go stret long Wewak. Ol liklik bot i kam klostu long DORISH MARU na kisim pastaim ol man i gat bagarap. Bihain ol i kam bilong kisim bodi bilong ol i indai pinis. I gat 59 pater, bruder, sista, na sampela hapkas ol i indai pinis na 40 arapela i kisim bikpela sua long ol gan o masket.

Ol i bin kisim bagarap i stap long nambis na san i kukim ol nogut tru.

Bihain ol bot i bringim ol bodi bilong ol i indai pinis na mipela foapela man i no gat bagarap na sampela ol sista i wok long bringim ol bodi i kam long nambis. Mipela hatwok tru na ol soldia i lukluk tasol.

Ol misinari i bin ki-

sim bagarap long bot ol i krai long dringim wara tasol ol soldia i tambuim ol. Ol i tok: I tambu long ol i gat sua long dringim wara.

Taim mipela i bringim pinis 59 bodi bilong ol i indai pinis long nambis, mipela tu klostu i laik pundaun, mipela i no gat strong moa.

Dokta Braun na mi yet mitupela i singaut long ol dokta bilong ami bilong Japan na ol i mas kam na pasim ol sua bilong ol tarangu misinari. Tru, sampela ol i kam na pasim sampela sua. Bisop Wolf tu i gat bikpela sua tru, tasol ol i no laik helpim em. Mipela i kros nogut tru na singautim ol long bringim sampela marasin moa. Ol i givim

(Tanim long pes 13.)



● Bisop Wolf



● Sampela misinari i sindaun long bikbus long hap bilong Hollandia we ol Japan i bin kisim ol i go long bot, nem bilong em DORISH MARU. Nem bilong ol: (sanap) Sista Xaverina, Sista Arsenia, Mista Henry Kramer. (sindaun) Sista Biletrude, Sista Siegelinde, Sista Eurista, Pater Fuchs, Sista Alma.